
یوہ آکا شوانی جموں ہے محمد آصف لو دھی تے نصرت چودھری تیں خبر سُنو۔ پہلاں خاص خاص خیر۔

- *1۔ پا رلیمان غا دوہاں ایواناں غی کا روائی دن پھر واسطے ملتوی کر دتی گئی ہے۔
- *2۔ ڈاکٹر جتندر سنگھ نے کہیو ہے جے 175 کلو میٹر جموں گرداس پور ر گیس پائپ لائن ور کم شروع ہو گیو ہے تے 2026 توڑی سپلائی شروع ہو جائے گی جس غو مقصد عام شہریاں غی زندگی مانہ آسانی لیانویں۔
- *3۔ محکمہ موسمیات غو کہنو ہے جے جموں کشمیر مانہ 15 دسمبر توڑی کسی بڑی موسمی سرگرمی غی پیشنگوئی نہیں ہے، تے خشک موسم 7 دسمبر توڑی جاری رہن غی توقع ہے۔
- *4۔ تے آر این یو جموں نے اج اپنو 54 ووں یوم تاسیس منایو ہے تے مختلف زُمران غے تحت عملہ غی عزت افزائی کی گئی۔

خبراں غی تفصیل نال پہلاں محمد آصف لو دھی۔

Parliament

پا رلیمنٹ غا دوہاں ایواناں غی کا روائی نانہ اج فر شور شرابہ غی وجہ تیں پورا دن واسطے ملتوی کرنو پیو۔ واضع رہ جے راجیہ سبھا غی کا روائی غے دوران جاتے روز ایوان وچوں کرنسی نوٹاں غو اک مٹھو لہن غا معاملہ ور شور شرابو شروع ہون تیں بعد ملتوی کرنی پئی، جد کہ لوک سبھا غی کا روائی حزب اختلاف غا ممبران غی طرفوں بی جے پی غا ممبر پا رلیمنٹ نیشی کانت دوبے غی طرفوں حزب اختلاف غا لیڈر راہل گاندھی ور الزام لایا جان غا معاملہ ور شور شرابہ تیں ملتوی کرنی پئی۔ واضع رہ جے دوپہر غی روٹی کھان ویلے حزب اقتدار غا ممبران نے کانگریس پارٹی غا ممبر پا رلیمنٹ ابھیشیک منو سنگھوی غی گُرسی وروں کرنسی نوٹاں غو اک مٹھو لہن غا معاملہ ور زور دار نعرے بازی کرتاں وان شور شرابو شروع کر دتو۔ جس دوران نائب چیرمین ہری ونش نے ممبران نانہ اپنی اپنی جگہ ور واپس جان غی صلاح دتی ورتاں وی شور شرابو جاری رہیو۔ جس تیں بعد ایوان غی کا روائی نانہ پورا دن واسطے ملتوی کر دتو گیو۔ اج سویرے جیساں ہی ایوان غی کا روائی شروع ہوئی تاں ایوان گا چیرمین جگدیپ دھنکڑ نے ایوان نانہ راجیہ سبھا غا چمیر وچوں نوٹاں غو اک مٹھو برآمد ہون بارے جانکا ری دتی۔ اُن نے کہیو جے کرنسی نوٹاں غو یوہ مٹھو کانگریس جماعت تیں وابستہ پا رلیمنٹ ممبر ابھیشیک منو سنگھوی نانہ آلاٹ کی گئی سیٹ وروں برآمد کیو گیو ہے۔ تے معاملہ غی تحقیقات کی جا رہی ہے۔ اس معاملہ بارے حزب اختلاف غا لیڈر ملک ارجن کھڑگے نے کہیو جے اُن غی جماعت نانہ تحقیقات ور کوئی اعتراض نہیں ہے۔

Gas Pipeline

اک سو 75 کلو میٹر غا چھنڈا آلا گُرداسپور ر جموں توی قدرتی گیس بارے پروجیکٹ غو تعمیراتی کم شروع ہو گیو ہے۔ اُمید کی جا رہی ہے جے اس پروجیکٹ غی مدد نال سن 2026 توڑی جموں غا بسنیک لوکاں نانہ گھریلو گیس سپلائی ہو سکے گی۔ اس سلسلہ مانہ وزیر

اعظم غا دفتر مانہہ مرکزی مملکت ڈاکٹر جنتندر سنگھ نے سماجی میڈیا ور اک پوسٹ سانجی کرتاں وان جانکارى دتی ہے جے گیس بھارتیہ اتھارتی یعنی ”جی اے آئی ایل“ غی طرفوں اس کم غی شروعات کر لی گئی ہے۔ اس پروجیکٹ غی شروعات نانہہ اک بڑی تبدیلی قرا دیتاں وان ڈاکٹر سنگھ نے کہیو جے وزیر اعظم نریندر مو دی غی سربراہی آلی حکومت غی طرفوں جا ری کیا گیا اس پروجیکٹ غی مدد نال عام شہریاں نانہہ ہُن مو نڈہ ور گیس سلینڈر چکن غے بجائے کہہ کہہ گیس سپلائی مہیا کی جائے گی۔

JK Highway

سڑک ٹرانسپورٹ تے قومی شاہراں بارے مرکزی وزیر نتن گڈکری نے جاتے روز لوک سبھا نانہہ جانکارى دیتاں وان دسیو ہے جے گذشتہ 5 سال غا عرصہ مانہہ جموں کشمیر مانہہ 2 ہزار 74 کلو میٹر قومی شاہراں غی نوے سیرے مرمت کی گئی ہے۔ ایوان مانہہ بولتاں وان جناب گڈکری نے مزید جانکارى دتی ہے جے حکومت قومی شاہراں نانہہ آؤ جا ئی غی خاطر بہترین طریقہ نال دیکھ بھال کرن واسطے ترجیحی بنیا داں ور کم کر رہی ہے۔

Court Uniform

جموں کشمیر تے لداخ غی عدالت عالیہ نے اس غی ای عدالتاں تے آئی ٹی سیکشن غا عملہ غی خاطر نواں رنگ غی وردی لان بارے ہدایت جا ری کی ہے۔ واضع رہ جے اے آئی تے مصنوعی ذہانت بارے عدالتی کمیٹی غی طرفوں نوی وردی بارے ٹوری گئی ہدایت نانہہ چیف جسٹس نے منظوری دتی ہے۔ عدالت غی طرفوں جا ری ہدایت مانہہ واضع کیو گیو ہے جے مرد عملو نیلا رنگ غا پینٹ کورٹ غے نال چٹا رنگ غی گرتی تے نیلا رنگ غی ٹائی استعمال کرے گو۔ جد کہ کالسری ملازم نیلا رنگ غی شلوار گرتی غو استعمال کریں گی۔ عدالت غی طرفوں جا ری حکم نامہ مانہہ یوہ وی کہیو گیو ہے جے ہر دو سال غا عرصہ توں بعد وردی نانہہ بدلیو جائے گو۔

SIA Police Stations

جموں کشمیر حکومت نے ریا ستی تحقیقاتی ایجنسی یعنی ایس آئی اے غا سینئر پولیس سپر ٹینڈینٹاں گا دفتران نانہہ مقدمہ دائر کرن غے نال معاملہ غی تحقیقات کیا جان غی خاطر پولیس تھانہ غا طور ور مختص رکھن غو اعلان کیو ہے۔ اس سلسلہ مانہہ جموں کشمیر یوٹی غا محکمہ داخلہ غی طرفوں جا ری ایکن نو ٹیفیکیشن مانہہ کہیو گیو ہے کہ ریا ستی تحقیقاتی ایجنسی کشمیر تے جموں غا ایس ایس پی دفتران نانہہ پولیس تھانہ غا طور ور مختص رکھیو ہے۔ جہیڑا جے تحقیقات بارے کم کریں گا۔ واضع رہ جے حکومت غی طرفوں یہ حکم نامہ بھارتیہ ناگریک سرکشن سنہینا قانون 2023 غی شیک 1 غے تحت جا ری کیو گیو ہے۔ واضع رہ جے اس تیں پہلاں ایس آئی اے نانہہ جموں کشمیر مانہہ دہشت گردی مخالف معاملان غا نمیڑان غی خاطر نومبر 1 سال 2021 نانہہ جموں کشمیر مانہہ مقرر کیو گیو تھو۔ واضع رہ جے ایس آئی اے نال تعاون بارے اک نوڈل ایجنسی غا طور ور وی کم کر رہی ہے۔

OGW Poonch

پولیس نے ملک مخالف سرگرمیاں نانہہ روکن غی کوشش غے تحت کل سرحدی ضلع پونچھ مانہہ دہشت گرداں غا 4 مشتبہ کم کرن آلا یعنی او جی ڈبلیو غی رہائش گاہاں غی تلا شی لی۔ پولیس ترجمان غے مطابق سب دویزن مینڈھر مانہہ سکھمیدان غا محمد ناصر، دھری ڈبی غا محمود حسین، دھری غا محمد خالد تے بھائیدار غا عبدلعزیز غا کہراں غی

تلاشی لی گئی۔ جن افراد غا گھراں غی تلاشی لی گئی اُن غا با را مانہ خیال کیو جا ئے کہ وے علاقہ مانہ سرگرم دہشت گرداں نانہ پناہ گاہ تے دیگر مدد فراہم کرتا رہیں تھا۔ پولیس غا ترجمان نے کہیو کہ ثبوت اکھٹا کرن تے خطہ مانہ امن و استحکام واسطے خطرہ بنن آلی سرگرمیاں نانہ روکن واسطے تلاشی کا روانی کی گئی تھی۔ اُنہاں نے کہیو جے آپریشن غی نگرانی کرن آلا سینئر حکام نے مُلک مخالف سرگرمیاں مانہ ملوث تمام عناصر غو صفایو کرن تے شہریاں غی حفاظت نانہ یقینی بنان غا اپنا عزم ور زور دتو۔ جموں کشمیر پولیس نے عوام تیں اپیل کی ہے کہ وے قانون نافذ کرن آلا اداراں نال تعاون کریں تے دہشت گردی غے خلاف جنگ مانہ مدد دین آلی کوئی وی معلومات سانجی کریں۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت چودھری۔

Weather

گذشتہ 2 ہفتاں تیں جموں کشمیر غا اُچیرا پہاڑی علاقاں مانہ ہو رہی برفباری توں بعد ہُن محکمہ موسمیات نے بدل برن غاکھٹ امکان ظاہر کیا ہیں۔ محکمہ موسمیات غو کہنو ہے جے اکتوبر 2024 تیں بعد 70 فیصد کھٹ ہو گیا ہیں تے اس طرح گذشتہ 2 مہینہ غا عرصہ مانہ چھڑی 19 عشاریہ 9 ملی میٹر بارش درج کی گئی ہے۔ اُوں محکمہ موسمیات غا سربراہ ڈاکٹر مختار احمد نے جانکا ری دتی ہے جے موسم آئندہ 7 دسمبر توڑی زیا دہ تر خشک رہ غو جد کہ 8 تے 9 دسمبر شام چر توں بعد جموں تے کشمیر صوبہ غی کُجھ اُچیری جگہاں ور معمولی بارش ہو سکے۔ ڈاکٹر مختار نے مزید جانکا ری دیتاں واں دسیو ہے جے 14 تے 15 دسمبر نانہ موسم خشک وے گو جد کہ 15 تے 16 دسمبر نانہ کُجھ اُچیرا پہاڑی علاقاں مانہ بدل برن غے نال نال برف وی پے سکے۔

RNU Foundation Day

آکاشوانی جموں غا خبراں غو شعبو اج 54 ووں یوم تاسیس منا رہیو ہے۔ واضع رہ جے علاقائی خبراں غو شعبو آکاشوانی جموں 6 دسمبر سن 1971 مانہ قائم کیو گیو تھو۔ تے بھارت پاک غی جنگ ویلے وی علاقائی خبراں غا شعبہ نے اپنا فرائض انجام دے غے ناں چھڑو جموں کشمیر بلکہ پورا مُلک مانہ اپنو ناں روشن کیو تھو۔ یوم تاسیس غا موقع ور نیوز یونٹ مانہ بہترین کارکر دگی دسن آلاں غی حوصلہ افزائی وی کی گئی ہے۔ اس موقعہ ور آکاشوانی جموں غا ڈی ڈی جی ای جے روی کانت بابو مہمان خصوصی غا طور ور موجود تھا۔ جن غے نال علاقائی خبراں غا شعبہ غا سربراہ گلشن رینہ نے بہترکار کر دگی دسن آلاں نانہ انعام نال نوازیو ہے۔ یا درہ جے انعام حاصل کرن آلاں مانہ یوگیس سگوترہ نانہ بہترین نیوز ایڈیٹر، جگموہن شرما نانہ ڈوگری زبان مانہ بہترین نیوز ریڈر تے ترجمہ کار، انور چودھری نانہ بہترین گو جری نیوز ریڈر تے ترجمہ کار، نریش کمار نانہ ڈوگری زبان مانہ نیوز ریڈر تے ترجمہ کاری واسطے انعام نال نوازیو گیو ہے۔ جد کہ آکاشوانی جموں واسطے پونچھ غا ضلع نامہ نگار انوبھو مصری نانہ بہترین رپو رٹینگ واسطے انعام نال نوازیو گیو ہے۔ اس تیں علاوہ رجت پال نانہ دفتر کم مانہ بہترین کارکر دگی بارے انعام دتو گیو ہے۔ واضع رہ جے پارلیمانی چناواں تے جموں کشمیر غا اسمبلی چناواں بہترین کارکر دگی دن آلاں نانہ وی سرٹیفکیٹ تقسیم کیا گیا ہیں۔ جد کہ تمام ضلعائی نامہ نگاراں غی وی حوصلہ افزائی کی گئی ہے۔ اس موقعہ ور شکریہ غی تحریک ور بولتاں واں آر این یو غا سربراہ گلشن رینہ نے پورا عملہ نانہ یوم تاسیس غی مبارکباد دیتاں واں کہیو ہے جے آر این یو جموں لوکاں توڑی اطلاع پجان مانہ اپنو کردار ادا کر رہیو ہے۔ اس موقعہ ور جناب رینہ نے عملہ ور زور دتو ہے جے وے تندہی نال کم کر غے آتے سال انعام حاصل کریں۔ یاد رہ جے کنجوانی جموں غو

بسنيڪ تے مھارا سامعين وچوں اک بزرگ نے نيوز يونٽ پُج غے پروگرام مانہہ شرڪت كى۔
اس موقعه ور بولتائ وائ اُن نے اس طرح كهيو۔بانٽ۔۔

Mahaparnirvan Diwas

بھارت رتن غو اعزا حاصل کرن آلا ڈاکٽر بھيم راؤ امبيڈکر غى 69 ويں برسى غا موقعه
ور مھا پرينروان تھارو اج مئا يو جا رھيو هے۔ قوم آج بابا صاحب بھيم راؤ امبيڈکر نانہہ
زبردست خراج عقيدت پيش کرتاں وائ مُلڪ غى خاطر اُن غى خدمات نانہہ يا دکر رھى هے۔
واضع ره جے اج صدر جمھوريہ درويدي مُرمو نے وى ڈاکٽر بھيم راؤ امبيڈکر نانہہ
زبردست الفاظ مانہہ خراج عقيدت پيش كيو هے۔ اوائ نا ئب صدر جمھوريہ جگديپ دھنڪر،
وزير اعظم نريندرمو دي، لوڪ سبھا سپيڪر اوم برلا نے اج پا رليمنٽ غا كمپليڪس مانہہ خراج
عقيدت پيش كيو هے۔

اس غے نال هى خبراں غو يوہ بليٽن ختم هوؤ۔